

太平經鈔丁部（卷四、十七葉裏一行く十八葉表二行）

【原文】

凡人乃有大罪六、不可除。或身即坐、或流及後世。然人積道無極、不肯教人求生、罪不除也。積德無極、不肯教人守德養性爲謹、其罪不除。積財億萬、不肯救窮周急、使人飢寒而死、其罪不除。知有道而反賤道、而不肯力學以自救。或得長生、在其天統先人之體、而反輕、不學而死。乃自冤、罪不除也。天生人、幸使人人有筋力、可以自衣食。而不肯力爲、反使飢寒、負先人之體、而輕休其力、而罪不除。強取人物、以中和爲仇、其罪不除。此六大罪、天惡之、不可除也。

【訓讀】

凡そ人 乃ち大罪六有り、除くべからず。或は身 坐に即き、或は流 後世に及ぶ。然らば人 積道 無極なるも、肯て人あえの生を求ふを教へざれば、罪 除かれざるなり。積德 無極なるも、人の徳を守り、肯て性を養ひ謹と爲るを教へざれば、其の罪 除かれず。積財 億萬なるも、肯て救窮周急せず、人をして飢寒して死なしむれば、其の罪 除かれず。道有るを知るも反りて道を賤しみ、而して肯て學を力めて以て自ら救はず。或は長生を得るも、其の天統に在る先人の體、而るに反りて軽くし、學ばずして死し、乃ち自ら冤うらめば、罪 除かれず。天人を生み、幸に人人をして筋力有らしめ、以て自ら衣食すべし。而るに肯て力爲せず、反りて飢寒して、先人の體そむに負そむき、而して其の力を輕休すれば、而して罪 除かれざるなり。強ひて人の物を取るも、中和を以て仇と爲せば、其の罪 除かれざるなり。此の六大罪、天之を惡めば、除くべからざるなり。

【現代語譯】

すべての人に乃ち大罪が六つ有り、除くことができない。或は自分の罪が問われるか、後世の（子孫）までに移って及ぶ。そうであるならば人は積道が無極であっても、喜んで人の生を求うことを教えることをやるのでなければ、その罪は除かれないのである。積徳が無極であっても、喜んで人の徳を守り、性を養い謹（つつしみのある状態）と爲ることを教えなければ、その罪は除かれないのである。積財が億萬であっても、喜んで窮迫を助け危急を救わず、人を飢え寒えて死なせるならば、その罪は除かれないのである。天に道があることを理解してもかえって道を賤しみ従わず行わず、喜んで學問を一生懸命行つて自分から救わない。あるいはまた長生の術を獲得しても、天統にある先人の體を、反って輕んじ、學ばず

に死んでしまい、乃ち自分から恨むならば、その罪は除かれないのである。天が人を生み、幸に人人に筋力が有り、自分で衣食することができる様にした。そうであるのに喜んで努力せず、反って人々に飢え寒えて、先人の體を無駄にし、そしてその力を輕輕しく休ませるならば、その罪は除かれないのである。強いて人の物を取るも、中和を以て仇とするならば、その罪は除かれないのである。この六つの大罪は、天が之を惡むので、除くことができないのである。

【注釋】

○積道

『說苑』卷十、敬慎曰、「大功之效、在於用賢**積道**、浸章浸明。」

○無極

『左傳』僖公二十四年曰、「夏、狄伐鄭取櫟。王德狄人、將以其女爲后。富辰諫曰、「不可。臣聞之。曰、「報者倦矣、施者未厭。」狄固貪恠、王又啟之。女德**無極**、婦怨無終、狄必爲患。」王又弗聽。」

『老子』二十八章曰、「知其雄、守其雌、爲天下谿。爲天下谿、常德不離、復歸於嬰兒。知其白、守其黑、爲天下式。爲天下式、常德不忒、復歸於**無極**。知其榮、守其辱、爲天下谷。爲天下谷、常德乃足、復歸於樸。樸散、則爲器。聖人用之、則爲官長。故大制不割。」

『莊子』內篇、逍遙遊第一曰、「湯之問棘也是已。湯之問棘曰、「上下四方有極乎？」棘曰、「**無極**之外、復**無極**也。窮髮之北有冥海者。天池也。有魚焉。其廣數千里。未有知其修者。其名爲鯨。有鳥焉。其名爲鵬。背若泰山、翼若垂天之雲。搏扶搖、羊角而上者九萬里。絕雲氣負青天、然後圖南、且適南冥也。斥鴳笑之曰、「彼且奚適也？我騰躍而上、不過數仞。而下翱翔蓬蒿之間。此亦飛之至也。而彼且奚適也？」此小大之辯也。」

『莊子』內篇、逍遙遊第一曰、「肩吾問於連叔曰、「吾聞言於接輿、大而無當、往而不反。吾驚怖其言猶河漢而**無極**也。大有徑庭、不近人情焉。」

『列子』卷五、湯問曰、「革曰、「無則**無極**、有則有盡。朕何以知之？然**無極**之外復**無無極**、無盡之中復無無盡。**無極**復**無無極**、無盡復無無盡。朕以是知其無極無盡也、而不知其有極有盡也。」

『荀子』卷一、脩身第二曰、「夫驥一日而千里、駑馬十駕則亦及之矣。將以窮無窮、逐**無極**與。其折骨絕筋、終身不可以相及也。將有所止之、則千里雖遠、亦或遲或速・或先或後、胡爲乎其不可以相及也。不識步道者、將以窮無窮逐無極與。意亦有所止之與。夫堅白・同異・有厚無厚之察、非不察也、然而君子不辯、止之也。倚魁之行、非不難也、然而君子不行、止之也。故學曰、「遲彼止而待我、我行而就之、則亦或遲或速、或先或後、胡爲乎其不可以同至也。」故踴步而不休、跛鼈千里。累土而不輟、丘山崇成。厭其源、開其瀆、江河可竭。一進一退、一左一右、六驥不致。彼人之才性之相縣也、豈若跛鼈之與六驥足哉。然而跛鼈致之、六驥不致、是無它故焉、或爲之、或不爲爾。」

『淮南子』卷二十、泰族曰、「故天子得道、守在四夷。天子失道、守在諸侯。諸侯得道、守

在四鄰。諸侯失道，守在四境。故湯處亳七十里，文王處鄴百里，皆令行禁止於天下。周之衰也，戎伐凡伯于楚丘以歸。故得道則以百里之地令于諸侯，失道則以天下之大畏于冀州。故曰：無恃其不吾奪也，恃吾不可奪。行可奪之道，而非篡弑之行，無益於持天下矣。凡人之所以生者，衣與食也，今囚之冥室之中，雖養之以芻豢，衣之以綺繡，不能樂也。以目之無見，耳之無聞，穿隙穴，見雨零，則快然而歎之，況開戶發牖，從冥冥見炤々乎。從冥冥見炤々，猶尚肆然而喜，又況出室坐堂，見日月光乎。見日月光，曠然而樂，又況登泰山，履石封，以望八荒，視天都若蓋，江河若帶，又況萬物在其間者乎。其爲樂豈不大哉。且聾者，耳形具而無能聞也。盲者，目形存而無能見也。夫言者，所以通己於人也。聞者，所以通人於己也，暗者不言，聾者不聞，既暗且聾，人道不通。故有暗·聾之病者，雖破家求醫，不顧其費，豈獨形骸有暗·聾哉。心志亦有之。夫指之拘也，莫不事中也。心之塞也，莫知務通也。不明於類也。夫觀六藝之廣崇，窮道德之淵深，達乎無上，至乎無下，運乎無極，翔乎無形，廣于四海，崇於太山，富於江河，曠然而通，昭然而明，天地之間無所系戾，其所以監觀，豈不大哉。人之所知者淺，而物變無窮，曩不知而今知之，非知益多也，問學之所加也。夫物常見則識之，嘗爲則能之，故因其患則造其備，犯其難則得其便。夫以一世之壽，而觀千歲之知，知今古之論，雖未嘗更也，其道理素具，可不謂有術乎！人欲知高下而不能，教之用管準則說。欲知輕重而無以，予之以權衡則喜。欲知遠近而不能，教之以金目則快射。又況知應無方而不窮哉。犯大難而不懼，見煩繆而不惑，晏然自得，其爲樂也，豈直一說之快哉。」

葛玄「老子道德經序」曰：「老君體自然而然，生乎太無之先，起乎無因。經歷天地，終始不可稱載，終乎無終，窮乎無窮，極乎無極，故無極也。」

『抱朴子』卷三、對俗第三曰：『仙經』曰：「服丹守一，與天相畢。還精胎息，延壽無極。」此皆至道要言也。」

○其罪不除

『淮南子』卷二十、秦族訓曰：「夫知者不妄爲，勇者不妄發，擇善而爲之，計義而行之。故事成而功足賴也，身死而名足稱也。雖有知能，必以仁義爲之本，然後可立也。知能躡馳、百事並行，聖人一以仁義爲之準繩，中之者，謂之君子，弗中者，謂之小人。君子雖死亡，其名不滅，小人雖得勢，其罪不除。使人左據天下之圖，而右刎喉，愚者不爲也。身貴於天下也。死君親之難，視死若歸，義重於身也。天下大利也，比之身則小。身所重也，比之義則輕。義所全也。『詩』曰：「愷悌君子，求福不回。」言以信義爲準繩也。」

○積德 8-628

『尚書』盤庚上曰：「克黜乃心，施實德于民，至于婚友。丕乃敢大言，汝有積德。」

『荀子』卷四、儒效篇第八曰：「務積德於身而處之以遵遁。如是，則貴名起如日月，天下應之如雷霆。」

○周急

『論語』雍也第六曰：「子曰：「赤之適齊也，乘肥馬，衣輕裘。吾聞之也，「君子周急，不繼富。」」

朱熹注曰：「急，窮迫也，周者，補不足。」

『漢書』卷九十二、游俠傳第六十二曰、「古之正法、五伯、三王之罪人也。而六國、五伯之罪人也。夫四豪者、又六國之罪人也。況於郭解之倫、以匹夫之細、竊殺生之權、其罪已不容於誅矣。觀其溫良・泛愛、振窮**周急**、謙退不伐、亦皆有絕異之姿。惜乎不入於道德、苟放縱於末流、殺身亡宗、非不幸也。」

○得長生

『孔叢子』陳士義第十四曰、「枚產（魏人）問子順曰、「臣匱於財、聞猗頓善殖貨、欲學之。然先生同國也。當知其術。願以告我。」答曰、「然。知之。猗頓魯之窮士也。耕則常饑、桑則常寒。聞陶朱公富、往而問術焉。朱公告之曰、「子欲速富、當畜五牴。」於是、乃適西河、大畜牛羊於猗氏之南、十年之間、其滋息不可計。賞擬王公、馳名天下、以興富於猗氏故曰猗頓。且夫爲富者、非唯一術。今子徒問猗頓、何也。」枚產曰、「亦將問之於先生也。」答曰、「吾貧。而子問以富術。縱有其術、是不可用之術也。昔人有言能**得長生者**。道士聞而欲學之。比往、言者死矣。道士高蹈而恨。夫所欲學、學不死也。其人已死。而猶恨之。是不知所以爲學也。今子欲求殖貨、而問術於我。我且自貧、安能教子以富乎。子之此問、有似道士之學不死者也。」

○先人之體

『新語』卷下、懷慮第九曰、「故天一以大成數、人一以□成倫。楚靈王居千里之地、享百邑之國、不先仁義而尚道德、懷奇伎、□□□、□陰陽、合物怪、作乾谿之臺、立百仞之高、欲登浮雲、窺天文、然身死於棄疾之手。魯莊公據中土之地、承聖人之後、不脩周公之業、繼**先人之體**、尚權杖威、有萬人之力、懷兼人之強、不能存立子糾、國侵地奪、以洙・泗爲境。」

○以中和

『太平經鈔』乙部、卷之二、和三氣興帝王法曰、「通天地**中和**譚、順大業、和三氣游、王者使無事、賢人悉出、輔興帝王、天大喜。」「但大順天地不失銖分、立致太平、瑞應竝興。元氣有三名、太陽・太陰・**中和**。形體有三名、天・地・人。天有三名、日・月・星、北極爲中也。地有三名、爲山・川・平土。人有三名、父・母・子。治有三名、君・臣・民、欲太平也。此三者常當腹心、不失銖分、使同一憂、合成一家、立致太平、延年不疑矣。故勇者象天、故心念在女也、是天使人之明效也。臣者爲地通譚、地者常欲上行、與天合心。故萬物生出地、即上向而不止、雲氣靡天而成雨。故忠臣憂常在上、汲汲不忘其君、此地使之明效也。民者主爲**中和**譚、**中和**者、主調和萬物者也。**中和**爲赤子、子者乃因父母而生、其命屬父、其統在上、託生於母、故冤則想君父也。此三乃夫婦父子之象也。宜當相通辭語、竝力共憂、則三氣合并爲太和也。太和即出太平之氣。斷絕此三氣、一氣絕不達、太和不至、太平不出。陰陽者、要在**中和**。**中和**氣得、萬物滋生、人民和調、王治太平。人君、天也。其恩施不下、至物無由生、人不得延年。人君之心不暢達、天心不得通於下、妻子不得君父之敕、爲逆家也。臣氣不得達、地氣不得成、忠臣何從得助明王爲治哉。傷地之心、寡婦在室、常苦悲傷、良臣無從得前也。民氣不上達、和氣何從得興。**中和**乃當和帝王治、調萬物者各當得治。今三氣不善相通、太平安得成哉。」(2/7b/8~2/9a/5) 『太平經合校』 p18-20)

「下寶憲鄧彪等詔」(章和二年二月庚戌)

先帝以明聖奉承祖宗至德要道。天下清靜。庶事咸寧。今皇帝以幼年。瑩瑩在疚。朕且佐助聽政。外有大國賢王。並爲藩屏。內有公卿大夫。統理本朝恭已受成。夫何憂哉。然守文之際。必有內輔。以參聽斷。侍中憲朕之元兄。行能兼備。忠孝尤篤。先帝所器親受遺詔。當以舊典。輔斯職焉。憲固執謙讓。節不可奪。今供養兩宮。宿衛左右。厥事已重。亦不可復。勞以政事。故太尉鄧彪元功之族。三讓彌高。海內歸仁。爲群賢首。先帝褒表。欲以崇化。今彪聰明康彊。可謂老成黃耆矣。其以彪爲太傅。賜爵關內侯。錄尚書事。百官總已以聽。朕庶幾得專心內位。於獻群公。其勉率百僚。各修厥職。愛養元元。綏以中和。稱朕意焉。〔《後漢》和帝紀。又略見《後漢》袁宏紀十二。又見《藝文類聚》四十八。御覽二百六二百十引《漢官儀》。〕

太平經合校卷六十七丁部之十六（二四一頁一行～二四三頁五行）
太平經卷之六十七

六罪十治訣第一百三

「真人前、凡平平人有幾罪乎？」「平平人不犯事、何罪過哉？」「噫、真人何其瞑冥也。」「愚生不開達、初生未常聞、人不犯非法而有罪也。」「子言是也、與俗同記。不睹（起）凡人迺有大罪六、不可除也。或身即坐、或流後生。（止）真人學、迺不見此明白罪、學獨不病憤憤耶？」「愚生忽然、不病之也。」「子尚忽然、夫俗人懷冤結而死是也。誠窮乎遂無知、然而死訖覺悟。天地開闢以來、凡人先矇後開、何嘗理乎？」「願聞之。」（起）然、人積道無極、不肯教人開矇求生、罪不除也。或身即坐、或流後生。所以然者、斷天生道、與天爲怨。人積德無極、不肯力教人守德養性爲謹、其罪不除也。或身即坐、或流後生。所以然者、迺斷地養德、與地爲怨、大咎人也。或積財億萬、不肯救窮周急、使人飢寒而死、罪不除也。（止）或身即坐、或流後生。所以然者、乃此中和之財物也、天地所以行仁也、以相推通周足、令人不窮。今反聚而斷絕之、使不得遍也、與天地和氣爲仇。或身即坐、或流後生、會不得久聚也、當相推移。天生人、使人有所知、好善而惡惡也。（起）幸有知、知天有道而反賤道、而不肯力學之以自救。或得長生、在其天統先人之體、而反自輕、不學視死。忽然臨死、迺自冤、罪不除也。（止）或身即坐、或流後生、令使生遂無知、與天爲怨。所以然者、迺天自力行道、故常吉、失道則凶死。雖愛人欲樂善、著道於人身、人不肯力爲道、名爲無道之人、天無緣使有道而壽也。迺使天道斷絕、故與天爲怨也。人生知爲德善、而不肯力學爲德、反賤德惡養、自輕爲非、罪不除也。或身即坐、或流後生。所以然者、與地相反。地者好德而養、此人忽事、不樂好德、自愛先人體、與地爲咎也。（起）天生人、幸使其人人自有筋力、可以自衣食者。而不肯力爲之、反致飢寒、負其先人之體。而輕休其力不爲、力可得衣食、反常自言愁苦飢寒。但常仰多財家、須而後生、罪不除也。（止）或身即坐、或流後生。所以然者、天地乃生凡財物可以養人者、各當隨力聚之、取足而不窮。反休力而不作之自輕、或所求索不和、皆爲（起）強取人物、與中和爲仇、其罪當死明矣。此有六大罪而天憎惡之、其罪不可除也。（止）真人知之耶？」

太平經鈔丁部（卷四、十八葉表二行〜十八葉表九行）

【原文】

吾將去有期、戒六子一言。夫道乃洞、無上無下、無表無裏、守其和氣、名爲臣。子近求即大、遠求即失。故君王善爲政者、以腹中始起、眞能思道、理自得矣。近在胸心、散滿四海。古者聖人名要道。古者聖人之教帝王也、深思遠慮、閉其九戶、休其四肢、使其混沌、比若環無端、如胞中之子而無職事、乃能得其理。吾道悉以是爲大要。天寶其傳焉。

【訓讀】

吾將に去らんとするに期有り、六子を戒むるに一言あり。夫れ道は乃ち洞、上無く下無く、表無く裏無く、其の和氣を守り、名を臣と爲す。子近くに求むれば即ち大にし、遠くに求むれば即ち失ふ。故に君王の善く政を爲す者は、腹中を以て始めて起り、眞に能く道を思ひ、理めて自ら得。近づきて胸心に在り、散りて四海に滿つ。古者の聖人 要道と名づく。古者の聖人の帝王に教ふるや、深思遠慮、其の九戸を閉ぢ、其の四肢を休め、其の混沌をして、比ぶるに環に端無きが若く、胞中の子にして職事無きが如く、乃ち能く其の理を得さしむ。吾道 悉く是を以て大要と爲す。天は其の傳を寶とす。

【現代語譯】

私は立ち去るとするのに期限があるので、六子を戒めるのに一言あります。そもそも道はすなわち空虚であり、上無く下無く、表無く裏無く、その和氣を守り、名を臣としています。あなたは近くに求めたならば即ち（得ることが）大きく、遠くに求めたならば即ち失います。ですから（いにしへの）君王の善く政を行う者は、腹中から始めて起り、本当に道を思うことができ、治めて自然となし遂げることが出来ます。近づけば胸心に在り、散れば四海に滿ちます。古者の聖人は要道と名づけました。古者の聖人が帝王に教えるには、深思遠慮し、その九戸を閉じ、その四肢を休め、その混沌に、環に端が無い様に、胞中の子であつて職事が無い様に、すなわち能くその理を得ることができる様にさせる。私の（言う）道とは悉くこれを大要としています。天はその傳を寶とする。

【注釋】

○六子

『太平經』卷六十五、興衰由人訣曰、「今天適自有四時之氣、地自有五行之位、其王相休囚廢自有時、但今人興用之也、安能適使其生氣、而王相更相剋賊乎、咄咄、噫、六子雖日學、無益也、反更大愚、略類無知之人、何哉、夫天地之爲法、萬物興衰反隨人故、凡人所共興事、所費用其物、悉生王氣、人所休廢、悉衰而囚、故人所興事者、即成人君長師也、人所爭用物、悉貴而無平也、入所休廢物、悉賤而無買直也、是故天下人所興用者、王自生氣、不必當須四

時五行氣也。」

○夫道乃洞

『太平經』卷之八十九、八卦還精念文第一百三十日、「道以自然爲洞虛。」

○無上無下

『雲笈七籤』卷五十、秘要訣法部六曰、「此四宮雌真一之神、是天元始生之陰官、受號帝妃也。始其元氣未立、五政未開、光景未通、氣極虛無、無上無下、無外無內、無左無右、無前無後、太上之元精、玄始之妙真、虛極之先、結氣而凝、混化萬物、天地得存、皆由於四真也。能有至心存思者、千齡不知老、九天之中、萬神同壽也。」

○和氣

『真誥』卷二葉八表曰、「於是真妃乃笑、良久、見授書此曰、「明君夷質虛閑、秘構玉朗、蘭淵高流、清響金宮、可謂能珍寶藏奇、幽真內煥、標拂靈篇、乘數順生、素德神園、丹錄玉清、興煙拔景、冥鼓遐聲也。必三事大夫、侍晨帝躬、高佐四輔、承制聖君、理生斷死、賞罰鬼神、攝命千靈、封山召雲、主察陰陽之和氣、而加爲吳越鬼神之君也。……」

『真誥』卷二葉八表曰、「咀嚼和氣、漱濯清川。」

○能思道

『雲笈七籤』卷九十三、仙籙語論要記部二曰、「夫道無爲無形、有情有性。故曰、人能思道、道亦思人。道不負人、人負於道。淵哉言乎！世情謂道體玄虛、則貴無而賤有。人資器質、則取有而遺無。庸知有自無而生、無因有而明、有無混同、然後爲至。故空寂玄寥、大道無象之象也。兩儀三辰、大道有象之象也。若但以虛極爲妙、不應以吐納元氣、流陰陽、生天地、運日月也。故有以無爲用、無以有爲資。是以覆載長存、真聖不滅。故爲生者、天地之大德也。所以見宇宙之廣、萬物之殷、爲吾存也。若煙散灰滅、何異於天傾地淪？彼徒昭昭、非我所有。故曰、死者、天人之茶毒。孰能黜彼茶毒、拂衣絕塵、獨與道鄰？道豈遠乎？將斯至矣！」

○在胸心

『禮記』卷五十一、孔子閒居第二十九曰、「子夏曰、「『民之父母』、既得而聞之矣、敢問何謂『五至』？」孔子曰、「志之所至、詩亦至焉、禮之所至、禮亦至焉、樂之所至、樂亦至焉、哀亦至焉。哀樂相生。是故正明目而視之、不可得而見也。傾耳而聽之、不可得而聞也。志氣塞乎天地、此之謂『五至』。」

鄭玄注曰、「凡言『至』者、至於民也。志、謂恩意也。言君恩意至於民、則其詩亦至也。詩、謂好惡之情也。自此以下、皆謂民之父母者、善推其所有、以與民共之。人耳不能聞、目不能見。行之在胸心也。塞、滿也。」

○九戶

『雲笈七籤』卷八、釋大洞真經三十九章曰、「第五章、太微天帝君曰、……金房在明霞之上、九戶在瓊闕之內、此皆太微之所館、天帝之玉宇也。」

○四肢

『真誥』卷一〇曰、「祝曰、……四肢百神、九節萬靈、……魍魎冢氣、陰氣相徇、陵我四肢、于我盛衰。」

太平經合校卷六十八丁部之十七（二五八頁一行～二六〇頁七行）
太平經卷之六十八

戒六子訣第一百四

「（起）吾將去有期，戒六子一言。夫道迺洞，無上無下，無表無裏，守其和氣，名爲神；子近求則大得，遠求則失矣。故古君王善爲政者，以腹中始起，真能用道，治自得矣。動不失其法度數，萬物自理，近在胸心，散滿四海。古者聖人名爲要道。（止）治樂欲無事，慎無失此，此以繩正賢者。今重丁寧以曉子。子六人連日問吾書，道雖分別異趣，當共一事。然舌能六極周，王道備，解說萬物，各有異意。天地得以大安，君王得以無事。吾書乃知神心，洞六極八方，自降而來伏，皆懷善心，無惡意。其要結近居內，比若萬物，心在裏，枝居外。夫內興盛，則其外興，內衰則其外衰。故古者皇道帝王聖人，欲正洞極六遠八方，反先正內。以內正外，萬萬相應，億億不脫也；以外正內者，萬失之也。（起）故古者大聖教人深思遠慮，閉其九戶，休其四肢，使其渾沌，比若環無端，如胞中之子而無職事也，迺能得其理。吾之道悉以是爲大要。（止）故還使務各守其根也。夫天將生人，悉以真道付之物具。故在師開之導之學之，則可使無不知也；不闔其門戶，雖受天真道，無一知也。比若嬰兒生，投一室中，不導學以事，無可知也。所以人異者，但八方異俗，故其知學不同也。若能一人學，周流表裏，盡知之矣。吾將遠去有所之，當復有可授，不可得常安坐，守諸弟子也。六人自詳讀吾書，從上到下爲有結，不解子意者，考源古文以明之。上行者玄真知之，下行者順真知之，東者初真知之，南者太真知之，西者少真知之，北者幽真知之。夫道迺大同小異，故能分別陰陽而無極，化爲萬一千五百二十字。中和萬物小備，未能究天地陰陽，絕洞無表裏也。故但考其無，舉其綱，見其始，使可儀而記。記古記今，其要亂自同神聖所記，猶重規合矩，雖相去億億萬年，比若相對而語也。故可爲天地常經，爲陰陽作神道，勿怪吾書前後甚復重也。所以復重者，恐有失之也。又天道至嚴，既言不敢不具，通不通名爲淺道，爲過劇。吾誠哀之，此雖復重。比若上古聖人，中古聖人，下古聖人，皆異世而生，其辭相因，復重而說，更以相考明，迺天道悉可知，此之謂也。行矣，吾有急行，重慎持天寶，傳付其人。」

右戒六弟子